

1. Sport Beat Fun Banked Slalom a Breil

In success cumplein

■ Sonda vargada, ils 26 da mars, ha giu liug igl 1. Sport Beat Fun Banked egl areal dalla scola da skis a Breil. 106 participonts, bellezza aura da primavera, in cuors imposant, buna atmosfera, ina gronda fuola d'aspectaturs sco era ina tafra fiasta da finiziun. Resumau cuortamein: L'emprema ediziun dil Sport Beat Fun Banked Slalom a Breil ei stau in success cumplein. 33 affons e 73 carschi cun aissa e skis ein stai alla partenza. La differenza da vegliadetgna denter il pli giuven ed il pli vegl participont ha muntau pressapoc 50 onns. Dabiars curriders ein stai costumai ed han demussau cunquai claremein ch'ei setracta d'in'ocurrenza da plausch e buca da prestaziun. Fatschas rientas ell'arrivada e dabia bials resuns sco p.ex.: «Quei stueis exnum repeter l'autoer onn!» ein stai ina biala pagaglia pils organisaturs el

num da Sport Beat Breil/Flem, Renato Livers, Nina Rogetli, Darius Tuor, Pieder Livers, e lur team da gidonters. Il Banked Slalom ei la pli veglia fuorma da concurrenza el sport da snowboard. Ei setracta d'in cuors cun caraus teis nua che minga currider emprova da contonscher l'arrivada aschi spert sco pusseivel. L'idea d'organisar in Banked Slalom a Breil ei gia naschida avon varga in onn. Quei pil motiv che quella fuorma da concurrenza gauda pil mument grond'attenziun en differents territoris da skis pigl entir mund entuorn. Culla finamira da porscher als indigens sco era als hospis in'atracziun speciala sur Pastgas, ei la gruppa d'organisaziun semessa alla lavur la stad vargada. Muort il magher interess davart dallas pendicularas Breil/Vuorz/Andiast ha la gruppa stuiu s'orientar da niev ed encurir novs partenaris. Grazia alla scola

da skis Breil-Vuorz-Andiast, la vischnaunca da Breil, differents sponsurs (graubündenSPORT, CAJO Bau, Livers Bedachungen) sco era ina gronda gruppa da voluntaris indigens eis ei tuttina aunc stau pusseivel da realisar igl event.

Tier ina tala occurrenza astga scapescha il program accumpignont buca muncar. Il grond Outlet da Sport Beat sco era las specialitads dil gril han carmala la glieud d'entir di. Cun Pascal Gamboni da Sedrun sco era ils DJ's Louis de Fumer da Turitg e Renisound da Breil han ils organisaturs procurau per musica per in e scadin. La fiasta ella Bar Famusa ei stau il punct final digl entir event. Igl ei vegniu gudiu la bun'atmosfera e saltau tochen tard viaden ella notg. Ils organisaturs planiseschan gia ussa ina cuntinuaziun dall'ocurrenza pigl unviern vegnent. Fotografias, la gliesta da ranga-

ziun cumpleina sco era ulteriuras informaziuns en detagl dat ei sin www.sport-beat.ch

Gliesta da rangaziun:

Skis umens: 1. Roman Deflorin (Breil) 2. Fabio Tuor (Breil) 3. Simon Comtesse (Uerikon)
Ski damas: 1. Ronja Muoth (Breil) 2. Rahel Cathomas (Breil) 3. Gwendolin Meyer (Andernach)
Aissa umens: 1. Renato Nadig (Flem) 2. René Carigiet (Breil) 3. Florian Bänninger (Turitg)
Aissa damas: 1. Carlina Deflorin (Breil) 2. Christine Spescha (Vuorz) 3. Sabrina Just (Flem)
Ski boys (2000-2006): 1. Lian Vincenz (Breil) 2. Liviano Tschuur (Breil) 3. Nando Cathomas (Breil)
Ski boys (2007-2010): 1. Gino Arpagaus (Breil) 2. Livio Vincenz (Breil) 3. Marvin Seiler (Breil)
Ski girls (2000-2010): 1. Shanaya Tschuur (Breil) 2. Giannina Arpagaus (Breil) 3. Celia Berther (Breil)
Aissa boys (2000-2010): 1. Marcel Schmid (Mörken) 2. Marco Fuchs (Breil) 3. Laurin Derungs (Breil)
Aissa girls (2000-2010): 1. Ricarda Streit (Bülach) 2. Ladina Streit (Bülach) 3. Ladina Derungs (Breil)



Divertiment, e buca concurrenza: cull'aissa han ils participonts stuiu ir tras in parcours.



Els caraus teis ed ualti pretensius ha ei duvrau inschign e concentraziun. FOTOS M. KELLER